

宜城縣續志

卷上 耆舊

建置卷下

學校 列女

秩官 藝文

選舉

光緒九年鐫

宜城縣續志

凡例

一前志舊分十門告成甫十七年耳陵谷詎有變遷卽漢水崩齧不無小異然不至大段改移故方輿無可續戶版賦役自康熙

恩詔後續生人丁作爲

盛世滋生冊永不加賦故食貨一門前志已詳無庸再贅丙寅以來天洗甲兵人安鋤耰兵事災祥均無可紀故雜類一門亦不必續續止七門固無事勉強敷衍以從舊日致誚鳧脰蛇足譏也

一邑當孔道軍興以來羽檄旁午諸務未遑迨烽燧大

宜城縣續志

卷上

凡例

一

靜制作方興衙署公廨次第舉修而河隄之資扞衛倉穀之備凶殺尤屬利賴在民謹詳錄之以期永終無弊

一選舉由科目與保舉之有案可稽者皆照案詳錄其他捐納諸職及封蔭之典由本人赴局呈報方有憑以錄入其未經報局者無從考查容俟另續

一邑遭丙寅除日之亂士女蹈道而死者纍纍相望前志於郵典所及者續入耆舊志而其他未及列女亦續多人然不無遺漏今從事久論定之後詳爲搜羅務期發幽光於身後以慰毅魄於九原

一耆舊分門亦從其朔然不朽之三匪易必實有大政
事真學問至行無愧者由紳耆公舉覆查無異方與
錄入不得徇一二人之阿好概爲收列至人必經論
定存者不錄猶前志也

一列女之已 旌者自據檔冊錄入其待 旌者悉由
附近紳耆舉報學師批准入志方與著錄庶無魚目
混珠之弊至殉難諸婦女至今述其事懍懍猶有生
氣但窮鄉僻壤有事昭人耳目無從舉其姓氏者俠
氣空存而芳名不著興言及此輒爲感慨繫之

一藝文之無裨世道者雖美無彰故一切吟詠風月概
宜城縣續志 卷上 凡列 二
置弗收惟憑弔古跡節錄一二之尤者不以多爲貴
也

一舊列十門分爲十卷今止十餘年之事卷帙無多故
止分上下卷不泥於舊也

宜城縣續志總目

凡例

卷上

建置志

城池

隄防

壇廟

公署公所附津梁

學校志

黌序

書院

考棚

義學

賓興

附

秩官志

文職

武職

宦蹟

選舉志

宜城縣續志

卷上

總目

一

辟薦

舉人

貢生

例貢附軍功

銓選

封蔭附

耆舊志

政蹟

儒行

忠孝

耆壽附

卷下

列女志

藝文志

文

古體詩

今體詩

宜城縣續志卷上

建置志

城池

隄防

壇廟

公署

地志大凡率首山川十餘年耳詎有變遷至於庶務綜理需賢莫爲之後何以承先舉修廢墜綱紀燦然書不一書用續前編方輿無可續續建置

城池

同治六年縣令謝蘭勸諭城內士民捐修城西南隅兩段各十餘丈又修西北隅炮台又諭附郭居民築東南隅城脚培厚加高計三十餘丈濬西北城濠五年除日捻賊由下流而上盤踞縣東六年正月

宜城縣續志

卷上

建置志

一

三日始退後於京邑永隆河爲官兵所敗接復上竄正月十七八日過境未及避者多被殺虜自是風鶴虛驚聞輒皆走鄉民各就附近寨堡制器械儲糧食爲固圉計城中士民亦未雨綢繆踴躍輸將修理城垣制火葯軍械鑄大炮二十五尊附郭之民見其足恃咸來助工於是城脚城濠益修固濬深是役也人樂趨公費無浪用是以工雖鉅而民不擾

十年縣令陸祐勤重修東門南門小東門敵樓

光緒五年縣令傅維祜重修西門敵樓

七年縣令齊維昌補修城東門營房

八年縣令李連騎重修西北西南隅城垣十有餘丈隄防

陸公隄沿漢東西兩岸西自卧虎岩至龍王洲長七十餘里計六萬餘丈高一丈至三丈不等厚一丈六尺又自龍王洲至葛籐灣築隄二十餘里高厚如之東自古河口至萬楊洲長十五六里高厚如西岸同治九年縣令陸祐勤興築十年完功

溝隄自黃家溝口上至蘇湖橋長十餘里高厚如河隄同治十年築

宜自兩渠湮廢西岡袤百餘里棄爲石田惟濱漢兩岸地尚爲膏腴然舊無隄防水漲輒橫決倒灌如雲之稼盡輸河伯農夫望洋興嗟十年而八毘陵陸公甫下車問民疾苦知並渠之民苦旱濱漢之民苦水惄然不安於心思所以拯其飢溺而拔諸水火然兩役不能並興爰爲權其緩急謂興利不如除害躬詣何干集耆宿議興築之宜乃爲定章程畫基址夫按畝出糧由夫備不派一錢不雇一役督率者各因其鄉之士公日行隄率十數里董其不勤者而勸其勤以爲常蓋自鳩工至蒞事

未嘗不在隄所也同治九年秋役始興歲暮成上半段自卧虎岩起至邱家套止次年接修下段自邱家套起至龍王洲止以里計者七十餘以丈計者六萬餘又自龍王洲起至葛籐灣止以里計者二十餘上下一律完固兩渠之水會於蘇湖橋入漢之口曰黃家溝上流雖湮下流如故當秋淫潦迤西百餘里畎澮汨合挾兩渠而下至蘇湖橋匯使風龍潭二港其勢瀾漫無所以束之則其出不速泛濫而瀦爲澤國乃沿溝築隄十餘里而內外之防始備西隄旣成則將以東爲壑公不忍東人

之罹偏災也渡漢親履其畝經畫如西法上自古河口下至官莊爲里若干畚築之聲甫及萬楊洲公已受代去下游之隄遂不克成後公在江夏宜士應秋試者公詢及之未嘗不咨嗟太息且引爲己責謂爲之不勇而成之不速也噫公之惠愛宜民雖去而猶不能忘如此昔蘇子瞻守杭州築西湖隄以衛民民賴其利號爲蘇公隄陳堯佐守滑州河決築長隄號陳公隄今公之惠愛在民何異二公耶公之去民欲爲公建生祠公峻拒之然至今沿隄之民遵公約束鐫之石以垂久遠其石之

額大書深刻皆曰陸公隄而口碑之載道尤翕然無異辭公在宜以經術飾吏治人皆變呻爲吟化俚爲文而隄之利賴在人尤其彰明較著者於以繼美蘇陳何多讓焉惜乎東隄未竣而瓜期已迫使得稍寬時日完隄之後以其全力大興水利復數百年之大利甦並兩渠之困氓其爲利澤不益無窮哉然此非公之所得爲也乃述其已成之功而原其未竟之志以冀後之志公志而心乎民者蠻河隄自葛籐灣起至璞河腦止長十餘里四年縣令楊鈞興修十年縣令劉秉懿完功

宜城縣續志

卷上

建置志

四

壇廟

文筆峰在城東南隅縣治巽方同治十年縣令陸祐勤捐建

公署

公所付

縣署同治八年縣令謝蘭於二堂左修花廳三間東向光緒五年縣令傅維祐改而南向又捐修署前後各處舊者新之腐者易之署之內外煥然改觀

歲豐倉在縣署左考棚右光緒五年縣令傅維祐捐建共修倉房十六間以天地元黃宇宙洪荒八字編號六年元字倉圯縣令劉秉懿重加修理又於各倉重易

倉板貯穀樊斛三千石設立章程十條派首士經理
春放秋收斗加息穀二升又置錢五百串存典生息
以爲歲修之用

倉之設以備年之凶荒昉於漢之常平然貴糶賤
糴出納之際勢難無弊隋立義倉散而不責其償
然倉空又募之民間其散也見德其收也又斂怨
矣惟朱子社倉以穀爲息而不以錢息米孳生又
無歲歲募收之弊實較漢隋爲勝今劉公之章仿
朱子之意而變通之誠可行之久遠然自來有治
人無治法故

宜城縣續志

卷上

建置志

五

本朝李穆堂侍郎謂不得其人則社倉與青苗同弊
然則遵公法而行之克效豈不在人哉

公善堂縣令楊鈞去任後留錢八百緡又曾姓兗州地
一段計種十畝坐落劉家台歲收稞錢二十串完糧
五升八合又撥育嬰堂田入之爲施葯施棺點種牛
痘恤寡救孤之費

育嬰堂田段坐落錢糧稞資附列於後

一分四段計十一畝半坐落答家岡一分五十六段
計七十二畝坐落辛常營草屋一座今圯一分三段
計十畝坐落羅家坡係軍田無糧一分四段計二十

一畝坐落陳家巷一分二段計三畝坐落郭家洲一分一段計三畝坐落鄭家湖一分十六段計三十畝坐落五壩湖共完錢糧貳兩玖錢玖分伍厘共計稞錢肆拾壹串陸百文

津梁

鯉魚橋在南門外同治十年縣令陸祐勤重修舊甃三甃今改作一大甃高大皆加於其舊

南門外木橋舊無橋左右石水不能通同治十年縣令陸祐勤鼎建又自鯉魚橋開溝引水入使曲繞南池過文筆峰下出東池爲玉帶水以培文風其開溝之處

宜城縣續志

卷上

建置志

六

設石門時其啓閉使淫潦有備七年縣令齊維昌易木橋爲磚橋

鐵練橋在縣東北二十三里上達襄樊下走安陸至省會爲行旅通衢受漢東諸山之水下入於漢其始之石橋不知所昉後圯於山水乃架木爲之行者弗便光緒六年始易以石監生陳宗柱文生郝鷗運從九劉長安候選知縣何遠炳倡衆捐修

楊林溝橋在鐵練橋上水歸鐵練橋入漢

承志橋在楊林溝上水歸鐵練橋人漢監生陳宗柱承父志創修通田鎮司大路宗柱又施田六畝雇人於

橋北施茶

郝家城石橋受鷄鳴山諸處水下與鐵練橋合始未有橋貢生郝廷颺倡修上流又有石橋在勝因寺門通田鎮司大路

郭海營石橋在市南洩赤湖水舊無橋行者多病涉有嚴善人者幼爲人傭積百餘金悉捐以建橋不足則躬跪渠旁顛人布施雖酷暑烈日不避也復得百餘金而橋以成善人名興發東灣人道光十二年大水嘗捐傭作之資百餘金以活人人德之爲立祠東灣隄旁

宜城縣續志卷上

學校志

一 黌序

書院

義學

賓興

於哉

聖清賦役無更將昭萬禩矧十餘齡前志既詳後復何
賡惟學之設規模日新迨廣士額俎豆莘莘黨庠
日益賢能以賓敬錄於策用勵斯人食貨無可續
續學校

黌序

光緒元年

欽頒斯文在茲額

宜城縣續志

卷上

學校志

八

光緒六年縣令傅維祐補修東西兩廡七年縣令劉
秉懿重新掀揭煥然改觀

教諭署舊在明倫堂後乾隆間遷居西街義學大公
館右光緒六年鼎建於明倫堂左大堂三間後堂
三間廂房四間倒廳三間

尊經閣在明倫堂後久圯同治十年縣令陸祐勤重
修

書院

紫峯書院在學宮左同治八年邑令謝蘭重修
考棚

考棚在縣署東光緒六年縣令傅維祜於至公堂下東西各修屋三間於龍門外添修雲路門七年縣令齊維昌補修號板號凳共計堂號十條棚號一百零四條龍門外修屋二間爲看守考棚人之所舊有旁門閉之禁不許復開且禁署內人借住禁借作公館皆刻石以爲永禁

義學

六善堂義學在城內同治十年縣令陸祐勤重修東廂易大門西向諭李澄捐河田九畝雷登煥捐河田六畝並撥罰款百緡入之爲立章程刻之石

宜城縣續志

卷上

學校志

九

鳳麓義塾在鷄鳴山之麓勝因寺光緒二年廩生郝峻運等割寺田五十二畝創立稟官立案

賓興

一前縣余思訓捐廉四百串監生皮桂華捐錢四百串共置買莊屋一所瓦正屋三間草屋一間門樓一座東南至鄧西至大路北至李河田二分一坐落南河七段計四十二畝四至有界椿一坐落柏家嶺計五畝東至大路西至商南至賈北至李完糧二斗七升

一胡德選捐錢四百串

一蕭榮捐河田七畝坐落王家嶺東至蕭西至王南至大路北至熊無糧

一楊杜氏捐市房一所坐落璞市老街東至南不記西至高南至街心北至蔣河田三分坐落老茅洲一分十畝東至草界西至高南至王北至高一分三畝東北至王西至朱南至路一分二畝東至草界西至本人南至王北至路

一朱文化捐屯田二分坐落桃灣一分六段計二十八畝四至俱至劉一分一畝九分東至朱西南北至劉完糧六斗三升三合運銀七錢

宜城縣續志

卷上

學校志

十

一王修恕捐款一百串

一前縣劉發出修整龍神祠存錢五十串

一張周氏捐田二十畝光緒七年張得中贖回交價二百二十五串

一張達化呈繳張氏田五畝三分坐落官莊完糧三升六合

邑賓興不一處經理不一人積久弊生無從稽察光緒庚辰邑侯劉諭城內首士總其成以八人作兩班輪流值年於每年冬月初一日收管稞錢之人攜帳詣賓興館公算明晰縷帳存案將所收之

錢放出生息至鄉試年分六月初一日收齊由老
師派人帶至省垣按名給發並刊刻章程以垂永
遠

一事內之人不許用錢用錢者須押紅約及紅票方
可按月九厘生息

一賓興館永爲賓興首士議事公所不准外人租住
亦不准書差等借作公館至於歲修由值年首士
在賓興款內提用

宜城縣續志卷上

秩宦志

文職

武職

官蹟

惠愛斯人惟慈父母矧宜彫**勗**尤賴康阜孫陳在前疇善其後令則有政民則有口風風雨雨難忘身受去後之思能指某某不有君子民生奚厚續

職官

文職

宜城縣知縣

謝蘭 治四五年 由岳技 貢人 署同

陸祐勤 治江九蘇年 陽由湖附 縣貢人 署同

宜城縣續志

卷上

秩官志

十二

張軒鵬 十四年 由榮縣 舉人 同治

宋熙曾 由江附 蘇吳貢 縣署 調人 署同 光緒十二年

粟增燿 元廣年 西由臨 監桂 縣生 任人 病光 故緒

楊鈞 光四緒 川瀘三 年州 由直 進隸 士州 署人

傅維祐 四年 由川長 監生 壽任 縣丁 人憂 光緒 四

劉秉懿 緒安六 年合 由肥 縣附 貢人 署光

齊維昌 年直 由隸 通副 貢州 任人 病光 故緒 七

李連騎 七年 直隸 由威 縣拔 貢人 署光 緒

舒善慶 由浙 江奉 化縣 人光 緒八年

教諭

何明治蕪州八年人任由鄉舉同張紹良同黃陂十縣一人由鄉舉

訓導

陳常同黃安縣十二年任副貢

巡檢

王潤森治福建七人任同黃燦基緒江蘇七人在光

典史

李榮恩年湖南在湘陰署孫家人同治十

謝超年湖南安化縣人光緒八

武職

左哨千總

宜城縣續志 卷上 秩官志 十三

劉水金軍安徽舒城縣人由

外委把總

陳文年襄陽縣人由荆門營外委去

陳允治光南漳縣人由行伍

宦蹟

何明字雪園蕪州人由鄉舉任教諭在官五載未嘗攜家蕭然一室衣履穿結而志氣常充然口不言錢諸生脩脯所弗計先後邑令欽其品學延主講邑書院督諸生日有課善誘掖人有善輒掄揚不置人多樂就之每文酒之會為諸生剖經史大義或

申且不寐聽者忘疲閒及時事慷慨激昂形於詞色尤以世道人心爲汲汲謂士習不端則人心不正即世道無由復古故於大本大原之地爲諸生加勉焉工詩古文詞交遊半天下多知名士碑版之文酬應無虛日而於諸生日課無或曠得咯血疾醫謂其耗心血甚勸使少輟公曰吾樂此不爲疲也然竟至不起易簣之日神明不亂自製輓聯諄諄以挽回風氣努力進學爲諸生望力疾起書之擲筆而逝櫬歸傾學中士送之河干哭失聲所著書貧不能梓沒後子□刻其葵藿齊詩文集若

宜城縣續志卷上

選舉志

薦辟封蔭附

舉人

貢生

例貢

軍功

銓選

冠蓋舊里焜燿前史華蓋朱軒揚光漢水土浴

聖化宜紹前美苟通經術曷憂青紫功名遂昔人往

矣周行在望勗哉繼軌續選舉

薦辟

姚德華

字實丞廩生布政司經歷銜光緒二年舉孝廉方正

舉人

張炳鐘

字簾軒同治十二年癸酉科順天鄉試庚辰科大挑二等候補教諭

王嘉謨

字顯廷光緒二年丙子科

宜城縣續志

卷上

選舉志

十五

貢生

左文杰

同治九年貢

拔貢

王嘉謨

字顯廷同治二年貢

万俟紹普

同治十二年貢

恩貢

周仁熙

字春臺同治二年貢

黃紹度

字儀軒光緒元年貢

楊肇端

字立山光緒元年貢

恩貢

王元鼎

字貞夫光緒元年貢

張致中

字舜臣光緒四年貢

恩貢

嚴德華

字玉田光緒四年貢

李世恭

字敬菴光緒七年貢

恩貢

望懋修

字曉嵩光緒七年貢

李儀星

字秋河光緒七年貢

優貢

周丕紳

字季延光緒八年貢

例貢

孔廣元

字仁山廩貢

歐陽

字春山廩貢

曾士杰廩字俊卿

傅良臣廩字生

趙光普廩字鼎臣

黃培英廩字華軒

李庚吉廩字星垣

李懋修廩貢

孟師孔廩字折城

王殿颺附貢

何大楷陝字仲模廩貢

黃履吉廩字和亭

王寶善廩字楚峰

宣鴻績廩字級堂

嚴柄時廩字勸臣

郝啟運

李士貞附貢

軍功

宜城縣續志

卷上

選舉志

十六

周仁傑從九銜

易廷弼附生

周兆敬從九銜

易鳳池附貢生

周顯名附生

劉文照附生

皮長煊州同銜

龔紹渤附生

蕭仁傑附生

以上俱同治五年率團練堵賊陣亡世襲雲騎

尉襲次完時給予恩騎尉世襲罔替

孫得勝外委同治四年攻勦回逆在陝西醴泉縣

騎尉世替

王培秀花翎即補總兵現任

郭洪忠

字靖左臣副將擊現任

李玉楚

字美甫花翎參鎮左

龍啓祥

副將

石元福

守備

張德壽

千總

周國松

外委

張占標

聶步堯

守備

蕭興朝

藍翎守備竹

張德勝

花翎都司

張青山

藍翎外委

賈永洛

字小選川由廩

劉錫釗

字勉齋由附生

宜城縣續志

卷上

選舉志

十七

王崇儒

字文圃由附

楊肇瑞

字玉臣由增

王建中

字懋菴同附

魯鍾寅

字春舫同附

雷慶芳

字馥菴同附

黃坪

字坦臣州同

傅汝楫

字簡菴同附

嚴德文

字蔚山同附

劉光漢

字武千生保儘

姚尙純

字厚坪保

張鵬翰

武生保

張鵬揚

保巡檢

自賈永洛以下俱係同治六年捻逆擾縣東帶

團勇防守襄河荊州將軍巴 奏保

銓選

魏崇本

字樸卿恩貢生

李文馥

字古郁附生四

楊肇芬字古香附主簿甘

周丕績字勳臣河南

李在田字硯農前正保縣加五品現銜

曾述先字明卿來

望懋功字銘書廩州陝西

李儀鴻字逵卿廩生

邱道生字丞立提舉州銜陝西

黃明善字二竹藍州翎

楊德鈞州附判生

何遠炳字欽三選

宜城縣續志 卷上 選舉志 十八

李世貞州附同生

李文廣刑部獄司

李文經附生承候

封蔭附

唐官以曾孫奉政大夫 封文林郎

唐德懋以孫承政大夫 封文林郎

唐廷漣以子承政大夫 封文林郎

龍必達以子今望 封文林郎

蕭銑以姪興朝 封武德騎尉

魏常泰以子崇本 封贈修職郎

宜城縣續志卷上

耆舊志

政蹟

儒行

忠孝

耆壽附

十步之內必有芳草矧百里邑詎無國寶行則
有枝文則有藻春風在襟秋月在抱射父以來厥
風肆好士景前賢修名務早續耆舊

政蹟

周仁壽號雲舫邑龔家腦人祖父俱科第仕宦著清廉
於滇皖至公家中落困苦績學有惡卧焮掌風壯歲
奔走四方境愈嗇學愈豐由選拔舉京兆成乙巳進
士筮仕江西初署星子有兄弟爭產構訟賄以數千

宜城縣續志

卷上

耆舊志

十九

金公峻拒之後任南康改官河南息縣調河內陞陝
州署河南府始終一節無改厥初在息時邑多逋逃
公勦撫兼施捐廉倡修城垣民賴以安在陝十年興
學校平冤獄謀積儲修貢院民用大和著有案牘偶
存待梓因老退休杜門謝客訓課子孫采芹食餼者
相繼邑人談書香咸推周氏爲望族云

儒行

龔鯤颯字雲九選拔貢生幼有至性父喪未葬遭大水
沒屋舍以繩繫棺於腰泣跪水中棺賴以不沒性穎
異讀書尤勤苦學成爲一黌之雋太守周芸皋重之

多與唱和學使龍翰臣觀察毛驥雲皆聘之主西席
後任黃州府教授明倫興學士風蒸進著有聽葵堂
制藝詩賦行世

李文鳳字梧岡歲貢生居貧樂道教授弟子多成名者
年八十手不釋卷而和光謙德望而知爲君子有盜
其門者知弗問盜愧而還之其子負薪入市里豪奪
而鞭之置弗校後豪知而謝罪乃曰吾兒亦有過非
獨子之不是也嘗有詩曰壯且不爭今老矣夢猶能
讓況醒焉蓋實錄也邑侯梁照嘗言若得孔子爲師
當居德行之科沒後遠近爲之隕涕著有慎獨齋稿

宜城縣續志

卷上

耆舊志

二十

姚國搢字雲階幼有至性兩事繼母無間言與弟際銓
友愛俱以能文有聲庠序躋於鄉薦以明經終居城
市絕迹公庭惟事關一邑之要如修文廟興義塾纂
輯縣志邑令敦請始一出董其事事畢鍵戶讀書授
徒布衣蔬食泊如也性和而莊見人稍踰繩尺必嚴
詞訓之故門下士咸知立品焉嗜寫古聖賢書年七
十餘猶手不停披著有四書講義折衷通鑑輯要易
義聚星際銓字藻亭郡廩生好讀書寒暑晝夜不輟
十三經皆手錄之肄業江漢書院爲山長袁金溪所
激賞以溺學天士林惜之

忠孝

余鳳藻從九品縣東鳳凰寨久圯鳳藻督修之眾因推爲寨主同治三年賊由隨棗至縣境附寨居民悉入寨鳳藻日夜堅守賊索貢不應四面合圍寨潰焉鳳藻爲賊縛詢以寨主爲誰曰我即是也好頭頸欲斫卽斫去何問爲賊以刃刺之鳳藻愈忿詈賊怒殺而焚之其弟大鵬與賊戰亦死於寨中

李作寅字雨亭邑庠生以儒世其家二子皆邑明經諸姪及孫列膠庠者六人皆其所親授也年八十餘精神猶矍鑠同治五年晦日擒賊至義不苟屈抗罵而

死同時有監生文化西於梅園堵賊躬發鎗擊斃賊目賊以大股圍之力盡而斃時堵賊死者五車里有從九品羅文林朱家港有武生郝際運貢生譚兒誠耆民王澤匯劉萬仲龍坑有從九品章體全儒童李世昌世文王澤沛澤溥劉元泰劉登高郝敦運劉福安南營有監生李開雄率子姪鄉鄰五百餘人親堵於渡口護婦女渡河與賊戰終日眾寡不敵爲賊刃死弟開茂開志姪光謙光海光發光壁俱死之官莊有王德全與弟德先姪元祥率鄉丁數十人護同里老弱婦女與賊力戰三人素精於鎗舉鎗輒中賊要

害斃賊甚多賊怒合全力攻之眾悉潰散三人皆死之

丙寅之難漢東諸村堡處處巷戰百十爲羣以抗方張之寇奮空拳相格拒轉鬪自朝至暮氣不少懦以至矢集膚劒叢吻前者已僵後者繼進卒無一人望風釋兵稽首乞命者洵哉胆勁而心方之死而靡悔雖牽羊禦狼卒以身膏原野然賊亦有所懲創相顧錯愕謂使下游如此安能長驅至是其慷慨激昂誠足以懾悍賊之胆而張義烈之氣至相從而死者既能執干戈以敵

宜城縣續志

卷上

耆舊志

二十二

國家之愾其姓字亦不容沒云謹彙而列之於左

王金淵	王國安	楊士成	士寬	士全	士順	土方
楊富榮	譚鏤	譚兆吉	候桓	匡永祥	永香	
張義芳	張學良	劉漢文	漢昂	漢福	漢祿	漢銀
劉高原	楊文一	李源泰	劉宏義	梅禹新		
郝如范	郝如林	郝逢運	嘉運	王光照	王言海	
郝正常	正倫	正紀	正富	正貴	正功	黃中
章道德	劉寅	屈亮	許泰然	康然	萃然	言然
王在發	熊正相	李春方	方金富	楊三武		
李泗	李照	張會	楊懽	楊子化	李五一	

溫崇選 崇緒 劉漢選 王斌 劉林 王文煥
陳貞貴 黃學超 龔開年 溫品華 胡映太
劉有 聶才 王發一 燕金槐 張欽 王見
張白年 李占鰲 楊與清 李天申 李興國
王謙 熊元 胡元明 溫其江 王澤濃 濃敬
王元才 毛正明 方正朋 陳邦友 陳世才
毛錫容 蕭士容 李天奎 溫崇學 胡廷發
王贊 曾學禮 余梅 劉登旺 余正富 正一
劉繼剛 余三元 胡長鳳 張主堯 張必元
胡思義 守義 梅志魁 王國正 楊玉輝 王金
宜城縣續志 卷上 耆舊志 二十三

黨金龍 金奎 金城 胡作惠 李光猷 易廷華

龔道成 龔安全 文兆昇 孫奇英 易大純

蕭洋 蕭泮 王大法

耆壽 附

邱宜櫓 縣南河人性謹厚 鄉里推爲長者 治家有法 食
指數十人無游惰者 享年八十餘 親見五世同堂